

# Powšitkowne WOZJEWJENJA

njedźelu, 18. meje 2014

## Wotewrjenje lětušeje akcije Renovabis

Boža mša z biskopom Heinerom Kochom k zahajenju lětušeje swjatkowneje akcije Renovabis po cyłej Němskej je tutu njedźelu, 18. meje, w 10 hodź. w Drježdźanskej katedrali. Hudźbnje wuhotuja kemše Drježdźanscy kapalnicy a skupina Tuto. Božej mši přizamknje so w 11.45 hodź. program na jewišću na Hrodowym naměsće – ze sakskim ministerskim prezidentom Stanisławom Tilichom, hosćimi z wuchodneje Europy a zastupjerjemi iniciatiwow Drježdźansko-Mišnjanskeho biskopstwa. Tež Towarstwo Cyrila a Metoda z.t. budže w Drježdźanach ze swójskim stejnišćom zastupjene a rozprawja wo swojej akciji „Łužica pomha“.

## Nalětni koncert w klósterskej zahrodže

W klósterskej zahrodže w Pančicach-Kukowje wuhotuje chór Lipa zhromadnje z muskim chórom Delany njedźelu, 25. meje, swój tradicionalny nalětni koncert. Započatk je w 15.30 hodź. Hižo wot 15.00 hodź. poskići so kofej a samopječeny tykanc. Wšitcy hudźbnje zajimowani su wutrobnje do krasnje kćějaceje zahrody přeprošeni.

## Nightfever w Drježdźanach

Přichodny nightfever w Drježdźanach wotměje so sobotu, 24. meje, w cyrkwi Jězusoweje wutroby (Borsbergstraße 15). Wječor zahaji so we 18 hodź. z Božej mšu. Kemšam přizamknje so česćowanje Najswjećišeho na najwšelakoriše wašnje ze spěwanjom a modlenjom. Zdobom budže tež možno, sakrament wujednanja přijec abo so cyle jednorje z měšnikom rozmołwjeć. Na tutym wječoru móžeš k měrej přińć, wotpočnyć a tak Boha nadeńć. Komplet w 23 hodź. wječor zakónči. Wšitcy zajimcy su wutrobnje přeprošeni.

## Putnikowanje młodžiny do Krupki

Młodostni wot 16 lět su přeprošeni, wot njedźele, 27. julija, hač do pjatka, 1. awgusta, do Krupki putnikować. Přizjewić móža so hač do pjatka, 27. junija, na farje w Chróśćicach, telefonowe čisło (03 57 96) 8 04 00. Po tym so hižo žane přizjewjenja njepríwozmu. Putnicy zetkaja so njedźelu, 29. junija, po nyšporje w Chróśćicach na farje. Za wšitkich nowačkow je tute zetkanje winowatosć. Nyšpor je w 14 hodź. Putniska Boža mša w Krupce budže srjedu, 30. julija, w 10 hodź.

## Putnikowanje serbskeje młodžiny

Putnikowanje dekanatneje młodžiny k maćeri Božej na lipje do Różanta budže na njedźeli Swjateje Trojicy, 15. junija. Kemše započnu so w 10.30 hodź.

## Koparski turněr serbskich młodostnych

Koparski turněr dekanatneje młodžiny budže sobotu, 21. junija, w Pěskecach. Zakop je w 10.00 hodź.

## Ministrantska kopańca

Tradicionalny koparski turněr serbskich ministrantow budže lětsa sobotu, 5. julija, w Pěskecach. Započatk je w 9.00 hodź. z Božej mšu we wjesnej cyrkwiće.